

2069

17/14

Broj: 05-02-1033/19  
Mostar, 18.07.2019.godine

Bosna i Hercegovina  
Federacija Bosne i Hercegovine  
KANTON SARAJEVO

PROJEKAT: 23-07-2019			
Organizaciona jedinica	Institucionalni oznaka	Redni broj	Broj priloga
01	05	18645	

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA SARAJEVO**

n/p g-din Elmedin Konaković, predsjedavajući Skupštine Kantona Sarajevo  
n/p g-din, Zvonko Marić, zastupnik

**VLADA FEDERACIJE BiH**  
n/p g-đa, Edita Kalajdžić, sekretar Vlade

**Predmet:** Odgovor na pitanje zastupnika u Skupštini Kantona Sarajevo  
gosp. Zvonka Marića, dostavlja se

Poštovani,

U prilogu akta Vlade Federacije Bosne i Hercegovine, broj: 03-17-585/19 od 28.05.2019. godine, ovom Ministarstvu na nadležno postupanje dostavljeno je zastupničko pitanje, koje je postavio gosp. Zvonko Marić, zastupnik u Skupštini Kantona Sarajevo, na 8. radnoj sjednici Skupštine Kantona Sarajevo održanoj 15.05.2019. godine.

**Pitanje:**

„Molim Vladu Federacije BiH i BH GAS da me obavijesti u kojoj je fazi projekat izgradnje Južne interkonekcije kojom bi se obezbjedio alternativni pravac snabdjevanja BiH plinom kao i Kantona Sarajevo koji je novom odlukom Vlade Federacije BiH o poskupljenju plina doveden u nezavidan položaj“

**Odgovor:**

Na osnovu podataka sa kojim raspolaže ovo Ministarstvo i informacija dostavljenih od privrednog društva „BH-GAS“ d.o.o. Sarajevo po predmetnom pitanju (akt BH GAS-a broj:02-BF1121-1755 od 06.06.2019. godine) u nastavku dostavljamo slijedeći odgovor:

Vlada Federacije Bosne i Hercegovine, zajedno sa Federalnim ministarstvom energije, rudarstva i industrije i privrednim društvom BH-GAS d.o.o. Sarajevo, sa posebnom pažnjom prati aktivnosti na realizaciji projekta izgradnje gasovoda JUŽNA INTERKONEKCIJA BIH I HRVATSKE i shodno tome poduzima potrebne aktivnosti na njegovoj realizaciji.

S tim u vezi, obavještavamo Vas da je Vlada Federacije Bosne i Hercegovine, kao nastavak aktivnosti na realizaciji ovog značajnog projekta, na svojoj 179.

sjednici održanoj 16.05.2019. godine i 183. sjednici održanoj 20.06.2019. godine, usvojila „Informaciju o projektu izgradnje gasovoda JUŽNA INTERKONEKCIJA BIH I HRVATSKE (gasovod Zagvozd - Posušje – Novi Travnik/Travnik sa odvojkom za Mostar) i tekstu Prednacrtu Sporazuma između Bosne i Hercegovine i Republike Hrvatske o izgradnji gasovoda „Južna interkonekcija Bosne i Hercegovine i Republike Hrvatske“ na pravcu Zagvozd (Hr) – Posušje (BiH) – Novi Travnik/Travnik sa odvojkom za Mostar“, kojom prilikom je donijela Zaključak V. Broj:720/2019 od 20.06.2019. godine, a kojim se između ostalog Vlada Federacije BiH dala pozitivno mišljenje na dostavljeni tekst prednacrtu Sporazuma između Bosne i Hercegovine i Republike Hrvatske o izgradnji gasovoda, te s ciljem poboljšanja istog predložila dopune i ažuriranje istog.

Kao što je poznato, Federacija Bosne i Hercegovine/Bosna i Hercegovina trenutno je u potpunosti ovisna o jednom izvoru snabdjevanja prirodnim gasom (Ruski gas) i jednom dobavnom pravcu (Ukrajina - Mađarska - Srbija).

S tim u vezi, a dodatno uzevši u obzir starost postojećeg transportnog sistema Zvornik-Sarajevo (40 godina), starost transportnog gasovoda u Srbiji za potrebe snabdjevanja BiH (40 godina), eventualni prekid snabdjevanja gasom preko Ukrajine, projekat Južna interkonekcija je od ključne važnosti za gasni sektor u FBiH/BiH i predstavlja prioritetni projekat kompanije BH-Gas.

Planovi razvoja gasnog sektora Federacije BiH i privrednog društva BH-Gas d.o.o. Sarajevo, s krajnjim ciljem obezbjeđenja sigurnosti snabdjevanja postojećih i novih potrošača i diverzifikaciju pravaca i izvora snabdjevanja prirodnim gasom, slijede također pravce zadovoljenja odredbi primarne i sekundarne legislative Energetske Zajednice i Evropske Unije.

Uvažavajući navedeno. Vlada FBiH je na 106. sjednici od 15.06.2017. godine usvojila Zaključak V. broj 853/2017 kojim je Projekat Južna interkonekcija BiH i Hrvatska proglasila projektom od strateškog značaja za Federaciju BiH, a Federalno ministarstvo energije, rudarstva i industrije (FMERI) i BH-Gas su zaduženi su da intenziviraju i nastave aktivnosti na realizaciji istog. Nadalje, Vlada Federacije BiH je na 160. sjednici od 25.10.2018. godine donijela Zaključak V.broj 1242/2018 kojim se preciziraju zaduženja FMERI i BH-Gas s ciljem efikasne realizacije predmetnog projekta.

Značajno je napomenuti da je projekat Južna interkonekcija BiH i Hrvatska uvršten u strateške, odnosno razvojne dokumente BiH/FBiH: Okvirna energetska strategija BiH do 2035. godine, 2018, Strateški plan i program razvoja energetskog sektora Federacije BiH, 2009, Okvirna energetska strategija Federacije BiH do 2035. godine - Radna verzija, te Program javnih investicija Federacije Bosne i Hercegovine 2019.- 2021. istovremeno, projekat je sadržan i na jisti Projekata od interesa za Energetsku Zajednicu, sadržan je u Desetogodišnjem planu razvoja evropskih mreža (ENTSOG-TYNDP) za prirodni gas, te je kandidovan za 4-tu listu Projekata od interesa za Evropsku Uniju (PCI).

Projekat Južna interkonekcija BiH i Hrvatska predstavlja gasovod od granice BiH sa Hrvatskom do Posušja, preko Tomisavgrada, Bugojna do Novog Travnika sa odvojkom za Mostar i isti će biti spojen na postojeći transportni sistem. Realizacijom projekta, Bosna i Hercegovina/Federacija BiH bi pored novog pravca snabdjevanja prirodnim gasom dobila pristup novim izvorima prirodnog gasa kao što su planirani LNG terminal Krk u Hrvatskoj, skladišta prirodnog gasa u susjednim zemljama, izvori gasa iz Kaspiske regije i drugi, omogućila bi se gasifikacija područja uz novi transportni pravac, te razvoj tržišta uz postojeći transportni pravac priključenjem

novih potrošača, uvođenje ekološki čistog energenta uz smanjenje emisije CO2, te stvaranje bolje pregovaračke pozicije kod trgovine prirodnim gasom.

Do sada završena dokumentacija obuhvata:

- Predinvesticiona studija gasifikacije Hercegovačko-neretvanskog, Zapadno-hercegovačkog i Livanjskog kantona, EIHP, 2009.
- Studija predizvodljivosti - Južna interkonekcija BiH i Hrvatska, COWI IPF Consortium, 2013., finansirana Grantom WBIF u iznosu od 400.000,00 EUR
- Analiza finansijske održivosti i analiza troškova i koristi za Južnu interkonekciju BiH - HR (Zagvozd - Posušje - Novi Travnik sa odvojkom za Mostar), Mott MacDonald CONNECTA Consortium, 2018., finansirana Grantom Evropske Komisije u iznosu od 141.000,00 EUR

Trenutno se provode pripreme aktivnosti za izradu slijedeće dokumentacije:

- Studije izvodljivosti (FS) i Studiju uticaja na okoliš i društvo, koje će se finansirati Grantom USA1D u iznosu od cca 500.000,00 USD,
- Idejnog projekta koji će se finansirati Grantom Evropske Komisije u iznosu od cca 1.000.000,00 EUR

Projekat je trenutno u fazi procesa provođenja javne nabavke za odabir Konsultanta za izradu Studije izvodljivosti i Studije uticaja na okolinu i društvo za gasovod Južna interkonekcija Bosna i Hercegovina i Hrvatska. Ova tenderska procedura će se odvijati preko Portala za nabavke Evropske banke za obnovu i razvoj na kojem je Tender već objavljen, istovremeno sa izradom studija, planirana je i izrada Idejnog projekta sa elaboratom eksproprijacije.

Završetak Studije izvodljivosti i Studije uticaja na okolinu i društvo, te Idejnog projekata sa elaboratom eksproprijacije, s krajnjim ciljem obezbjeđenja urbanističke saglasnosti i okolinske dozvole za projekat Južna interkonekcija je planiran za treći kvartal 2020. godine.

Nakon ovih aktivnosti slijedi izrada glavnog izvedbenog projekta, te ishođenje odobrenja za građenje i u konačnici izgradnja gasovoda i pripadajućih objekata.

Prve isporuke prirodnog gasa putem gasovoda Južna interkonekcija se očekuju 2023. godine.

S poštovanjem,

Dostaviti:

- Naslovu,
- evidenciji i
- a/a

